

AVANTURISTIČKI POHOD U MAROKO

Maroko 11 noći

(jedno čarobno noćenje u pustinji)

Marakeš – Dades George – Merzouga – Fes – Rabat- Kazablanka

Dobro došli na našu veliku avanturu u Maroko. Ova tura je kreirana za sve one koji vole putovanja, avanturu, druženje i istraživanje novih mjesta i kultura. To znači da ovaj naš plan i aranžman obuhvata cijelu kružnu turu i podrazumijeva prevoze iz Sarajeva do Maroka, sve smještaje i prevoze unutar Maroka, te ne boravimo u jednom mjestu i nema fakultativnih izleta. Dakle, ne boravimo samo u jednom mjestu i ne naplaćujemo fakultativne izlete u ostale gradove nego ih svi zajedno obiđemo, osim u Chefcheouren koji nije usput. Organizacija ovog putovanja je samim tim mnogo teža i zahtjevnija za organizovati i putnici koji se prijave su naši saputnici i zajedno istražujemo ovu fascinatnu državu.

1. DAN (nedjelja) - 11.10. Sarajevo – Istanbul - Marakeš

Polazak iz Sarajeva u popodnevnom satima. Okupljanje na aerodromu u 12:00. Check-in i let za Istanbul u 14:25. Dolazak u Istanbul u 17:25. Let prema Marakešu u 18:25. Dolazak u Marakeš u 21:45. Transfer do hotela u Marakešu. Noćenje.

2. DAN (ponedjeljak) - 12.10. Marakeš

Doručak. Obilazak Marakeša sa lokalnim vodičem. Slobodno vrijeme u Marakešu. Organizacija marokanske večeri. Noćenje.

Marakeš, egzotičan crveni grad prepun palmi, vrtova ruža i krotitelja zmija, smjestio se u podnožju planine Atlas, par sati vožnje udaljen od Sahare. Marrakesh je najvažniji od četiri kraljevska grada Maroka. Trg Jemaa el Fna jedan je od najprometnijih i najživljih trgova u Africi i svijetu, centar života grada u punom smislu tih riječi. Nalazi se u unutar medine. Ovdje ćete naći krotitelje zmija, majmuna, žonglere, zvončare, akrobate, muške plesače, živopisno odjevene prodavače vode i soka i orijentalne pripovjedače. Trg je pod zaštitom UNESCO-a od 1985. godine. Marrakesh ima najveće natkrivene tržnice u Maroku u kojima se nude razni poznati i nepoznati začini, predmeti i odjeća od kože, šarene tradicionalne svjetiljke i brojne rukotvorine. Labirint ulica je prepun ljudi, magarećih zaprega, kao i raznih prodavača koji nude koješta. Ako volite puno hodati na pravom ste mjestu. Većina je građevina crvenkaste boje, stoga Marrakesh nazivaju Crveni grad. Za obilazak medine skinite offline karte jer je često signal preslab. Putokazi su smješteni visoko na zidovima i uglavnom usmjeravaju prema najbližem trgu. Unutar zidina nalaze se brojne bitne islamske građevine. Najvažnija je džamija Koutoubia iz 1162. godine čiji ćete 77 metara visok minaret teško promašiti. Ovaj je minaret Marrakeshu isto što i Eiffelov toranj Parizu. Turistima nije dozvoljen ulaz u džamiju. Izvan zidina medine smjestio se novi dio grada, Gueliz, s brojnim parkovima prepunima palmi od kojih su najpoznatiji Menara i Agdal. Ovdje se utjecaj arapske kulture i stila gradnje sjedinio s europskim, a taj zanimljiv spoj očarava ljude diljem svijeta. Možete posjetiti i egzotičan botanički vrt Mažorel (Jardin Majorelle) koji je poznata atrakcija Marrakesh.

3. DAN (utorak) - 13.10. Marakeš

Doručak. Slobodno vrijeme u Marakešu. Moguća organizacija dodatnog fakultativnog izleta. Organizacija noćnog izlaska. Noćenje.

4. DAN (srijeda) - 14.10. Marakeš

Doručak. Slobodno vrijeme u Marakešu. Organizacija noćnog izlaska. Noćenje.

5. DAN (četvrtak) - 15.10. Marakeš – Dades George

Doručak. Rani check-out i polazak prema Dades Georgesu ili Tinghiru. Usputno stajanje i zadržavanje na lokacijama

Tizi n'Tichka, Ouarzazate, Skoura. Dolazak u hotel i check-in. Slobodno vrijeme. Noćenje.

*Grad **Ouarzazate** nalazi se južno od marokanskog planinskog masiva Atlas i nosi nadimak Vrata pustinje. Razlog tome je to što se južno od grada nalaze nepregledna prostranstva Sahare. Ovaj je grad centar južnog Maroka i mjesto koje privlači brojne turiste. Ouarzazate i njegova arhitektura prepoznatljivog su stila. Grad se velikim dijelom sastoji od utvrda zvanih kasbah, a najbolje očuvane kasbahe pronaći ćete u utvrđenom gradu Ait Ben Haddou, koji se nalazi zapadno od Ouarzazate. On je najvjerojatnije osnovan 757. godine, a u njemu i njegovim kućama sagrađenima od blatne cigle, blata i slame i danas žive Berberi, stanovnici saharskog područja sjeverne Afrike. Pet kilometara udaljen od grada Ouarzazate nalazi se Atlas Studios, osnovan 1983. koji možete posjetiti i vidjeti setove za najrazličitije filmove. To je najveći filmski studio u Africi.*

***Skoura** je malo mjesto u Maroku koje je poznato po svojim očaravajućim vrtovima i prekrasnoj prirodi. Skoura je jedno od najboljih mjesta za posjetiti u Maroku, a to je zbog mnogih razloga. Prvo, Skoura nudi prekrasan pogled na planinu Atlas, koja se nalazi u blizini. Ovo mjesto je idealno za one koji žele uživati u prirodi i planinama. Skoura je također poznata po svojim vrtovima koji se nalaze na obali rijeke. Ovi vrtovi su izgrađeni još u 12. stoljeću i danas su jedan od najvažnijih turističkih atrakcija u Skouri. U vrtovima možete vidjeti razne vrste biljaka, uključujući masline, hurme, limun i narandže. Drugo, Skoura ima mnogo kulturnih znamenitosti koje treba posjetiti. Ovdje možete vidjeti tradicionalne berberske kuće, stare utvrde i džamije. Jedna od najzanimljivijih stvari o Skouri je da je ovo mjesto bilo glavno stjecište berberskih plemena u Maroku. Treće, Skoura je poznata po svojoj hrani. Ovdje možete probati neke od najboljih marokanskih jela, uključujući tajine, kuskus i harira. Ovo je idealno mjesto za one koji žele uživati u autentičnoj marokanskoj kuhinji.*

***Klanac Dades** nalazi se praktički u središtu Maroka. Cesta koja njime prolazi svrstana je među najopasnije u cijeloj Africi. U okolnim planinama ljudi još uvijek žive u špiljama, vodeći nomadski način života. Dolinu Dades karakterizira divlji krajolik, sa snijegom na vrhovima planine Atlas i polupustinjskim krajolikom u nižim dijelovima kanjona. Klanac Dades poznat je i kao Cesta hiljadu kasba, a duga je oko 130km. Formacije stijena mijenjaju se u različite boje u nijansama smeđe, bež, zlatne, narandžaste, crvene i tamnoljubičaste. Njih je isklesala rijeka Dades.*

6. DAN (petak) - 16.10. Dades George – Merzouga

Doručak. Check-out i polazak prema pustinji Merzouga. Pauza i obilazak grada Tinghir. Dolazak u pustinju u poslijepodnevnim satima. Check-in u šatore. Aktivnosti jahanja deva i tura po pustinji. Organizacija marokanske večeri u pustinji. Noćenje.

***Tinghir**, smješten u istočnom Maroku, je jedno od najljepših mjesta za posjetiti u ovoj zemlji. Ovo područje, koje se nalazi na rubu Sahare, ima puno toga za ponuditi posjetiteljima. Ovo područje je poznato po svojim impresivnim kanjonima, planinama i dolinama. Jedan od najpoznatijih mjesta za posjetiti u Tinghiru je Todra kanjon, koji je jedan od najviših kanjona na svijetu. Tinghir je poznat po svojoj bogatoj kulturi i povijesti. Ovo područje ima dugu povijest, koja seže u vrijeme Rimskog carstva. Ovdje možete posjetiti razne povijesne znamenitosti, uključujući stari grad Tinghir, koji datira iz 13. stoljeća. Tinghir je poznat po svojoj izvrstnoj hrani. Ovo područje je poznato po svojoj bogatoj kuhinji, koja uključuje razne specijalitete od mesa, ribe i povrća. Među najpoznatijim jelima u Tinghiru su tajine, koje su začinjene raznim začinima.*

***Merzouga**, malo selo na jugoistoku Maroka nalazi se blizu Erg Chebbi-ja (velikih dina formiranih vjetrom nošenim pijeskom). Merzouga ima najveće prirodno podzemno vodeno tijelo u Maroku. Drevna sela postoje u Merzougi stoljećima. Ovo mjesto je poznata turistička atrakcija gdje se nalaze kampovi u pustinji sa mnogim zabavnim i interesantnim sadržajima.*

7. DAN (subota) - 17.10. Merzouga - Fes

Doručak. Check-out iz šatora i polazak prema Fesu. Usputno zaustavljanje i pauze na lokacijama Erfoud, Erachidia i Mifelt. Dolazak u Fes u predvečernjim satima. Slobodno vrijeme. Noćenje.

Erfoud, zadivljujući grad u istočnom dijelu Maroka, često se naziva vratima pustinje Sahare. Kad napustite grad, dočekat će vas prekrasan krajolik valovitih pješčanih dina koje se protežu dokle god sežete. Jedna od najpoznatijih atrakcija Erfouda je njegova fosilna industrija, koja je napredovala zahvaljujući drevnoj geološkoj povijesti regije. Posjetitelji Erfouda mogu istraživati lokalne trgovine i muzeje, gdje se mogu diviti zamršenim otiscima prapovijesnih biljaka i morskih stvorenja sačuvanih u kamenu. Užurbane tržnice, poznate kao soukovi, vrhunac su za posjetitelje, nudeći razne tradicionalne rukotvorine, začine i lokalne delicije. Errachidia, armantni berberski grad sa pogledom na pustinju, ranije poznat kao "Ksar es-Souk", grad je preimenovan u Errachidia oko 1975. u čast drugog sina Hasana II, Moulay Rachida. Grad je bio dio rute relja Dakar 2006. i 2007. godine. Planine sjeverno od grada imaju vrhove više od 3200 metara i brojne velike pećine. Errachidia je danas poznata po uzgoju agruma, a okolica po rudarstvu (iskapa se olovo i cink). U Maroku je znana po svom agronomskom institutu.

8. DAN (nedjelja) - 18.10. Fes

Doručak. Obilazak Fesa sa lokalnim vodičem. Slobodno vrijeme. Organizacija marokanske večeri. Noćenje.

Fes ili Fez je najstariji od četiri kraljevska grada Maroka i drugi po veličini grad u ovoj zemlji. Grad Fes u Maroku, u sebi krije još jedan grad. Velika medina u Fesu, nazvana Fes el Bali (Stari Fes), gotovo je u potpunosti očuvan srednjovjekovni grad. Odmah nakon ulaska u medinu kroz vrata Bab Bou Jeloud osjećat ćete se kao da ste se vratili nekoliko stoljeća unatrag. U njoj živi više od 150.000 stanovnika, što ju čini najvećim naseljenim područjem u kojem ne voze auti. Ako dolazite nekom u goste, postoji šansa da će vam domaćin morati spustiti ljestve. Ulazna su vrata nekih kuća, podignuta visoko iznad zemlje. U prošlosti se noću nije moglo ući u grad. Preporuka je ne kretati se malim uličicama medine u kasne noćne sate. Kad smo kod malih uličica, neke su ulice u medini široke samo 50 cm! Fes prati reputacija kulturnog i duhovnog centra Maroka, kao i činjenica da je grad dom najstarijeg sveučilišta na svijetu, kojeg je u 9. stoljeću osnovala jedna žena. Medina u Fesu nudi pravu turističku atrakciju, koju ćete lako naći ako slijedite svoj nos. S nekoliko terasa kuća, možete promatrati tradicionalno bojanje i obradu kože, prizor koji je nepromijenjen od 11. stoljeća! Kožarnice u Fesu su jedne od najstarijih na svijetu. Koža se iz ovog grada izvozi po cijelom svijetu, a vi kao suvenir možete kupiti razne kožne proizvode. Nekad ih je bilo čak 300 u Fesu, danas svega nekoliko. Ipak, redovi velikih posuda ispunjenih raznobojnim kemikalijama u kojima ljudi nogama gaze u procesu obrade kože snažno djeluje na osjetila. U svakoj posudi je druga boja, hrpa ljudi koji nose kože, uranjaju u boju, suše... Sve boje se dobijaju prirodnim putem, od šafrana, ruže, maškare...

9. DAN (ponedjeljak) - 19.10. Fes – Chefcheouren - Fes

Slobodno vrijeme u Fesu ili izlet u Chefcheouren koji je udaljen 200 kilometara od Fesa (4 sata vožnje u jednom smjeru). Noćenje.

Chefchaouen, poznat i kao „Plavi grad“, jedan je od najposebnijih i najfotografisanih gradova Maroka. Smješten u podnožju planine Rif na sjeveru zemlje, ovaj mali planinski grad prepoznatljiv je po svojim uskim ulicama, bijelo-plavim kućama i opuštenoj atmosferi koja ga razlikuje od užurbanih marokanskih metropola. Chefchaouen je osnovan u 15. stoljeću, a kroz historiju je bio utočište Andaluzijcima i Jevrejima koji su ostavili snažan trag u njegovoj arhitekturi i kulturi.

10. DAN (utorak) – 20.10. Fes – Rabat - Kazablanka

Doručak. Rani polazak prema Rabatu zadržavanje u ovom gradu. Polazak Prema Rabatu i kraći obilazak ovog grada. Dolazak u Kazablanku u večernjim satima. Slobodno vrijeme. Noćenje.

Carski grad **Rabat** glavni je grad Maroka i spada među kulturnu baštinu koju je zaštitio UNESCO. To je primorski grad s bijelim kućama i okružen je bogatom i raznolikom historijom. Uz Fes, Meknès i Marrakech, jedan je od četiri „kraljevska grada“ Maroka. Kao i kod mnogih marokanskih gradova, Rabat je podijeljen na Medinu, stari grad opasan zidinama i Ville Nouvelle, novi grad koga su izgradili Francuzi.

Najčešći jezici koje ćete čuti na ulicama Rabata su arapski i francuski. Ovaj grad se zapravo sastoji od tri spojena grada, Temare, Rabata i Salea. Stari grad Rabat je opasan zidinama i smješten je na samoj morskoj obali. Tu je smješten muslimanski centar grada- Medina. Utvrda Kazba Udaja smještena je na samoj litici i ogromna je turistička atrakcija jer se tu nalazi ulaz u andaluzijski vrt i medresu gdje je smješten Muzej Maroka. Također, ovdje još vrijedi posjetiti Toranj Hassan gdje se nalaze stupovi koji su zapravo temelj za nikad do kraja izgrađenu džamiju



Victorius Travel

VICTORIUS
TRAVEL AND EVENTS



Victorius Travel

koja je trebala biti najveća na svijetu. Preko puta je mauzulej prvog kralja Maroka, Muhameda V.

Vrlo vjerojatno, velika većina nas pogledala je poznati film **Casablanca**, koji je postao svojevremeni klasik te uz to postavio određene standarde za sve druge filmove koji su uslijedili. Casablanca je zapravo grad u zapadnom Maroku, na obali Atlantskog oceana, a samo ime grada zapravo znači "bijela kuća". Grad broji 3,3 milijuna stanovnika te je najveći grad u Maroku, kao i glavna pomorska luka. Casablanca je izuzetno zanimljiv i poseban grad te svatko tko se odluči na dolazak definitivno neće otići razočaran. Svakako bismo vam htjeli preporučiti par mjesta koje bi mogli posjetiti dok ste tamo: Džamija Hassan II je jedno od najupečatljivijih znamenitosti Maroka, nastalih nakon proglašenja nezavisnosti. Ovo je treća po veličini džamija u svijetu, sa najvećim minaretom od svih džamija na svijetu. Džamiju je projektovao francuski arhitekta Michel Pinseau, a na njoj gradnji radilo je gotovo 6 000 radnika. Džamija obezbeđuje prostor za 25 000 vernika, a u dvorište stane još 80 000 ljudi. Ogromni minaret uzdiže se na visini od 200 metara, što ga čini najvišim u svijetu. Stara Medina, ili stari grad, je originalni arapski grad djelimično zatvoren zidinama. Stari grad je labirint uskih ulica i kuća od kamena i bjelo okrečene cigle. Medina je prepuna prodavnica u kojima se prodaje raznovrsna roba. Luka Cazablance je najveća luka u Maroku, i jedna od naprometnijih na afričkom kontinentu. Luka je preplavljena masivnim brodovima, kontejnerima za skladištenje, i drugim. Ono što je naročito zanimljivo jeste pećanje u luci, naročito zbog ribe koje ovde ima u izobilju. Trg Mohammed V se nalazi u srcu grada. Trg je okružen predivnom kolonijalnom arhitekturom iz perioda francuske uprave. U tim zdanjima se danas nalaze brojne državne i javne institucije, a između njih se nalazi čudesna fontana u kojoj voda mjenja boju.

11. DAN (srijeda) 21.10. Kazablanka

Doručak. Obilazak Kazablance sa vodičem. Slobodno vrijeme. Noćenje.

12. DAN (četvrtak) 22.10. Kazablanka - Istanbul – Sarajevo

Doručak. Check-out u 9:00 i slobodno vrijeme do polaska na aerodrom. Polazak na aerodrom prema dogovoru. Let prema Istanbulu u 16:55. Dolazak u Sarajevo 23:40. Let prema Sarajevu ujutro (23.10.) u 07:20. Dolazak u Sarajevo u 08:15.

BITNE NAPOMENE

- *Plan je podložan promjeni uslijed subjektivnih i objektivnih okolnosti i agencija zadržava pravo promjene i izmjene.*
- * Plan je kreiran više za avanturiste nego za turiste. Riječ je o putovanju koje podrazumijeva mijenjanje lokacija i hotela, boravak u autobusima na većim udaljenostima i jedno noćenje u šatorima u pustinji.*
- *Plan nije za osobe koje su razmažene i koje nisu spremne za avanturu.*
- * Ovo putovanje je organizovano za stalne putnike na putovanjima Victorius travel agencije i napominjemo da kako organizujemo sebi i prijateljima, tako ćemo i ostalim putnicima.*
- *Za ovo putovanje važe opći uslovi putovanja agencije Victorius d.o.o.*
- *U toku cijelog putovanja smo angažovali marokanskog vodiča koji će biti sa nam u toku cijelog putovanja.*
- *Sobe u hotelima su sa dva tri li četiri kreveta. (Šatori i Riadi imaju drugi koncept, ali to ćemo dogovoriti)*



Victorius Travel

Victorius doo, Sarajevo
Halači br 1, tel.: 033 533 303
ID broj 4202532150007



Victorius Travel

CIJENA: cca. 2350,00 KM

Cijena uključuje:

- Avio karta sa taksama Sarajevo-Istanbul-Sarajevo
- Avio karta sa taksama Istanbul- Kazablanka / Marakeš – Istanbul
- Svi transferi između aerodroma i gradova unutar Maroka
- 4 noćenja u hotelu u Marakešu sa doručkom (hotel 3*)
- 1 noćenje u hotelu u Dades Georgeu sa doručkom i večerom(hotel 3*)
- 1 noćenje u Lux kampu u pustinji sa doručkom i večerom (šator)-
- 3 noćenja u hotelu u Fesu u Riadu ili hotelu sa doručkom (riad ili hotel 3*)
- 2 noćenja u hotelu u Kazablanki u hotelu sa doručkom (hotel 3*)
- Marokanska noć u pustinji
- Prevoz na kamilama u pustinji
- Prevoz u džipovima po želji u povratku iz pustinje
- Tura sa kamilama u pustinji
- Usluge pratioca grupe u toku cijelog putovanja
- Usluge agencije
- PDV

Cijena ne uključuje:

- Vizu sa ishođenjem 160,00 KM
- Turističke taxe u gradovima (oko 2 eura po noći)
- PZO 26,00 KM
- Doplata za lokalnog vodiča i pratioca grupe u toku cijelog putovanja - 10 eura (placamo vodicu)
- Fakultativni izlet u Plavi grad ukoliko bude dovoljno prijavljenih (cca. 25€)
- Doplate za vodiče u Marakešu, Fesu (oko 10 eura po gradu)
- Bakšiš za vozača 10€
- Bakšiš za vodiča (pratioca grupe) 15-20€
- Moguća organizacija Marokanske večeri u Marakešu i Fesu (dogovor na licu mjesta)
- Individualne troškove
- Opciono osiguranje od odustajanja od putovanja u slučaju spriječenosti putovanja (100,00 KM)

PRIJAVA I UPLATE:

Prijava je kompletna sa uplatom prve rate i poslanim dokazom o uplati. Prijave su moguće do popunjenja kapaciteta. Ukoliko se desi da se prijavi veći broj osoba od planiranog, uplate se rangiraju hronološki po vremenu uplate.

Uplate je moguće izvršiti na rate:

Prva rata i prijava: 300,00 - 500,00 KM (do kraja juna)

Druga rata: 500,00 KM (do kraja jula)

Treća rata: 500,00 KM (do kraja augusta)

Četvrta rata: ostatak (do 10 dana prije putovanja)

Uz uplatu prve rate potpisuje se ugovor o putovanju i samim tim se potvrđuje uplata. Odustajanje od putovanja je moguće u skladu sa općim pravilima i uslovima putovanja agencije Victorius d.o.o.

Potrebni dokumenti za vizu za Kraljevinu Maroko

1. **Obrazac (aplikacija)** popunjen štampanim slovima, potpisan i datiran.
2. **Kopija Lične karte**, obostrano (ili državljanstvo)
3. **Dvije fotografije** sa bijelom pozadinom (4*3 cm) na kojima se jasno vidi lice (nedavno uslikane).
4. **Važeći pasoš**: mora da važi najmanje 6 mjeseci, sa dvije prazne stranice.
5. **Jedna fotokopija pasoša** (stranice na kojima nalaze podaci i slika),
6. **Rezervacija avio karata (AGENCIJA)**
7. **Hotelska rezervacija (AGENCIJA)**
8. **Putno zdravstveno osiguranje (AGENCIJA)**
9. **Izvod iz matične knjige rođenih (na engleskom se traži u općini)**
10. **3 zadnja izvoda iz banke (za studente i nezaposlene zadnja i tri izvoda izdržavaoca)**
11. **POTVRDA O ZASPOSLENJU:**
 - a) **Za zaposlene:** Potvrda o radu sa apostile pečatom, sa jasno naznačenom pozicijom u firmi, datumom zaposlenja, mjesečnom platom.
 - b) **Za penzionere:** potvrda o primanju penzije iz PIO-MIO ovjerena apostile pečatom+ 3 zadnja bankovna izvoda,
 - c) **Za nezaposlena lica:** Potvrda o preuzimanju odgovornosti sa apostille pečatom, potpisan od roditelja, supružnika ili djeteta + 3 najnovija izvoda iz banke + ovjerena lična karta osobe koja osigurava preuzimanje odgovornosti,
 - d) **Za studente:** potvrda o redovnom studiranju ovjerena apostile pečatom, izjava roditelja/staratelja o saglasnosti putovanju djeteta te garanciji da su spremni pokriti sve troškove putovanja, moguće medicinske njege ili repatrijacije, ovjerena kopija lične karta roditelja/izdržavatelja i zadnja tri izvoda iz banke roditelja/izdržavatelja.

SVI DOKUMENTI MORAJU BITI NA ENGLJESKOM JEZIKU

Prilikom ulaska u Maroko od putnika će tražiti na uvid povratne karte i finansijska sredstva potrebna za boravak u Maroku.

**Agencija ne preuzima odgovornost ukoliko putnik ne dobije vizu.*

**Agencija može da organizovano vadi vizu samo za građane BiH koji su učesnici putovanja.*

**Za valjanost i ispravnost dokumenta potrebnih za vizu odgovara putnik koji aplicira.*

SVE DOKUMENTE TREBATE DOSTAVITI U AGENCIJU DO 01.09.2026. U ZATVORENIM KOVERTAMA POREDANE PO GORNJEM REDOSLIJEDU, A FORMULAR ĆETE POPUNITI U AGENCIJI. POTREBNO JE DA PORED SVIH DOKUMENATA DOSTAVITE I PUNOMOĆ ZA AGENCIJU DA MOŽE U VAŠE IME ODNIJETI I PODIĆI PASOŠE.

Agencija će sve dokumente da dostavi u ambasadu Maroka u Zagrebu, a zatim da dostavi pasoše u Zagreb kako bi se izdala viza. **Agencija garantuje za tajnost i sigurnost podataka.**

Agencija će pružiti pomoć i savjete prilikom vađenja vize za putnike.

- VALUTA I PLAĆANJA

Valuta plaćanja u Maroku je dirhem, a odnos BAM/DIRHEM 1,00 KM = 6 DIRHEMA. Plaćanje u Maroku je uglavnom u gotovini, dok neka mjesta posjeduju i POS terminale, ali svakako preporuka je da se plaća gotovinom. Što se tiče kupovine potrebno je imati na umu da je „cjenkanje“ dio tradicije i da svi prodavači do 5 puta uvećaju prvu cijenu, tako da ne treba kupovati na prvu cijenu. Svakako se treba čuvati „scam“ i voditi računa o tome šta se naručuje, jer obično se ne izdaje račun, a turisti su idealna meta.

- HRANA I ZDRAVLJE

Tradicionalna hrana Maroka je drugačija od naše kontinentalne/mediteranske i drugačiji je 'šmek' hrane. Preporuka je da se hranite u restoranima koji imaju dobre recenzije. Hrana je uglavnom mješavina govedine, janjetine, pileline i raznog povrća sa začinima. Nemojte se iznenaditi ukoliko probate hranu za koju mislite da mora biti slana, a ona zapravo bude slatka. Voda se isključivo pije ako je flaširana. Tradicionalna jela su Kuskus i Tažin koje morate probati. Svakako je preporuka da probate marokanske specijalitete, a vodite računa da niste naviknuti na ovu vrstu hrane. Alkohol na ovom putovanju treba da izbjegavate, kako radi klime, tako i radi strožijih zakona u vezi sa kupovinom i služenjem. Cijene su pristupačne, pogotovo proizvodi lokalnog uzgoja i proizvodnje. Marokanski čaj i kafa se podrazumijeva i pije na svakom čošku. Pod obavezom je da se piju velike količine vode i da se hranite lahko varljivom hranom (voće i povrće). Standardne lijekove za putovanje treba ponijeti, a pogotovo za probavu, ali i kreme za zaštitu od sunca.

- KLIMA I ODJEĆA

Klima je raznolika u Maroku. Kod gradova na obali klima je mediteranska, dok u gorju je subkontinentalna i malo oštrija, dok u pustinjskim dijelovima Maroka je saharska i subsaharska klima. Maroko se nalazi u području gdje su moguće i brze promjene vremena, tako da uvijek treba imati pri sebi i kabanice. Večeri znaju biti jako hladne, pa i nešto dugih rukava je pod obavezom. Odjeća je uvijek u skladu sa klimom, a savjetuje se da se odmah na početku kupi tradicionalna marokanska nošnja koja je najbolje rješenje. Pripadnicama ljepšeg spola se skreće pažnja da vode računa da se nalaze u državi u kojoj važe islamski zakoni i pravila, pa treba voditi računa da ne budu previše upadljive, te da trebaju izbjegavati kratke suknje i duboke dekoltee. U svakom slučaju, prilikom boravka u prvom gradu svi putnici se savjetuju da nabave odgovarajuću odjeću, za koju cijene nisu visoke. Kape i šeširi su obavezni kako bi se zaštitili od sunčevih zraka.

- SIGURNOST

Maroko se smatra jednom od najsigurnijih afričkih država, ali svakao treba voditi računa prilikom kretanja po noći, a pogotovo kada je riječ o djevojkama. Kao i u svim mjestima, džeparoši prevaranti su prisutni, a turisti su njihova meta. Treba izbjegavati konzumiranje alkohola i boravak na takvim mjestima gdje se isti konzumira. Konzumiranje droga je ilegalno i kažnjava se zatvorom ili deportacijom i sl.

- INTERNET

Iako postoje travel paketi za našu državu, savjetuje se uzimanje lokalnih kartica ili e-simova kako biste bili uvijek dostupni. Punjače možete ponijeti za našu struju, jer je i tamo isti tip utičnica.

- PREVOZ

U Marokanskim gradovima postoji autobuski prevoz i poprilično je jeftin. Taksu vozila su od 5 do 10 eura, ali se treba voditi računa da se prvo pita cijena, pa onda da vozi.

- SUVENIRI I ZABAVA

Maroko je specifičan po suvenirima, koji se mogu naći na svakom ćošku. Preporuka je da se kupuje na pijacama i bazarima. Ono što morate ponijeti iz Maroka je marokanski čaj, ešarpe, galabije, djellabe, kaftane, začine, torbe i sl. Također, prilikom kupovine se posebno savjetuje cjenkanje.

Zabavni život u Maroku su svakako tradicionalne marokanske noći uz plesače i plesačice, ukrotitelje zmija i majmuna, sa zvucima tarabuka, defova i sl. Ovo iskustvo je „must see and feel“ u Maroku.

- JEZIK

Jezik koji se priča u Maroku je marokanski arapski, odnosno naziva se Darija. U suštini to je arapski jezik koji je bio pod utjecajem francuskog, španskog i berberskog utjecaja. Ovo su neke fraze koje morate znati prije putovanja:

IZRAZ/ REČENICA	IZGOVOR	ARAPSKI
- Merhaba, Zdravo	Marhaba	مرحبا
- Hvala	Šukran	را شك
- Da	Na'am	نعم
- Molim	Min Fadlak	من فضلك
- Izvinite	Afwan	ا عفو
- Dobro jutro, Sabahajrulah	Sabah al-khair	صباح الخير
- Dobro veče	Masa' al-khair	مساء الخير
- Doviđenja	Ma'a as-salamah	مع السلامة
- Kako si?	Kayfa haluke/i?	كيف حالك؟
- Dobro, sam hvala	Ana bikhair, shukran. Labass	را أنا بخير، شك
- Gdje je...?	Ayna huwa/hiya?	هو؟ أين هو
- Koliko košta?	Bikam yakuluf?	بكم يكلف؟
- Ne	Laa	لا
- Prijatno	Besseha	بالصحة
- Dobro	Mezyan	مزيان
- Idemo, hajde	Yallah	يله
- Čaj	Atay	أتاي
- Kahva, kafa	Qahwa	قهوة
- Eselamu alejkum	Eselamu alejkum	السلام عليكم
- OK	Wakha	وخا
- To je dobro, dosta	Safi	ف صا